



**ԱՄԱՆՈՐԻ ԱՌԹՎ  
ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ ՊԱՏՐԻԱՐԶ ԵՎ ԿԱԹՈՂԻԿՈՍ  
ՆՈՐԻՆ ՍՈՒՐԲ ՕԾՈՒԹՅՈՒՆ  
Տ. Տ. ՎԱԶԳԵՆ Ա ՀԱՅՐԱՊԵՏԻ  
ԵՎ ՊԵՏԱԿԱՆ ՊԱՇՏՈՆԱԿԱՆ ԱՆՁՆԱՎՈՐՈՒԹՅՈՒՆՆԵՐԻ  
ՄԻՋԵՎ ՓՈԽԱՆԱԿՎԱԾ ՈՂՋՈՒՅՆԻ ՀԵՌԱԳՐԵՐԸ**

**ՀԱՅԿԱԿԱՆ ՍՍՈՒ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ ՆԱԽԱԳԱՀ  
ՄԵԾԱՀԱՐԳ ՊԱՐՈՆ ՆԱԳՈՒՇ ՀԱՐՈՒԹՅՈՒՆՅԱՆԻՆ**

ԵՐԵՎԱՆ

Մեզ համար մեծ հաճույք է շնորհավորել Ձեր նոր տարին և մաղթել Ձեզ  
ամեն բարիք ու փայլուն հաջողություններ՝ Ձեր հայրենանվեր գործերին:

Մաղթում ենք նաև ի սրտե, որ նոր տարին լինի փառավոր նվաճումներով լի  
մի տարի մեր վերածնված Մայր Հայրենիքի համար և խաղաղության տարի ամ-  
բողջ աշխարհի համար:

**ՎԱԶԳԵՆ Ա**

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

ԷԶՄԻԱԾԻՆ

**ՀԱՅԿԱԿԱՆ ՍՍՈՒ ՄԻՆԻՍՏՐՆԵՐԻ ՍՈՎԵՏԻ ՆԱԽԱԳԱՀ  
ՄԵԾԱՀԱՐԳ ՊԱՐՈՆ ԱՆՏՈՆ ԶՈԶԻՆՅԱՆԻՆ**

ԵՐԵՎԱՆ

Հանուն Հայաստանյայց Եկեղեցու, սիրով շնորհավորում ենք նոր տարին և  
մաղթում ենք Ձեզ և մեր հայրենի հարապատ կառավարության բոլոր անդամներին  
աննկուն եռանդ ու ջինարար ոգի, որպեսզի է՛լ ավելի հպորանա ու ծաղկի մեր Մայր  
Հայրենիքը՝ Սովետական Հայաստանը, բարօրության և խաղաղության մեջ:

Մաղթում ենք նաև, որ համայն աշխարհի համար նոր տարին լինի բարեկա-  
մության և խաղաղության տարի:

**ՎԱԶԳԵՆ Ա**

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

ԷԶՄԻԱԾԻՆ

**ՀԱՅԿԱԿԱՆ ՍՍՌ ՄԻՆԻՍՏՐՆԵՐԻ ՍՈՎԵՏԻՆ ԱՌԸՆԹԵՐ  
ՀԱՅ ԵԿԵՂԵՑՈՒ ԳՈՐԾԵՐԻ ԽՈՐՀՐԴԻ ՆԱԽԱԳԱՀ  
ՄԵԾԱՀԱՐԳ ՊԱՐՈՆ Կ. ԴԱԼԼԱՋՅԱՆԻՆ**

ԵՐԵՎԱՆ

Հաճեցեք ընդունել Մեր ջերմագին շնորհավորանքները և բարեմաղթությունները նոր տարվա առթիվ անձամբ Ձեզ և Ձեր գործակիցներին: Մաղթում ենք, որ նոր տարին լինի խաղաղության, բարօրության և նոր հաջողությանց տարի համայն ժողովրդի համար:

Սիրով և ողջունիվ,

ՎԱՋԳԵՆ Ա

ԷԶՄԻԱԾԻՆ

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

**ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ  
ՎԱՋԳԵՆ Ա-ԻՆ**

ԷԶՄԻԱԾԻՆ

Հայկական ՍՍՌ Գերագույն սովետի նախագահության և անձամբ իմ անունից ջերմորեն և սրտագին շնորհավորանքներ եմ հղում Ձեզ նոր տարվա առթիվ:

Ցանկանում եմ առողջություն և արգասավոր գործունեություն Ձեր հայրենանվեր ջանքերում:

Ընդունեցե՛ք իմ խորին շնորհակալությունը Ձեր շնորհավորանքների և բարի մաղթանքների համար:

Ն. ՀԱՐՈՒԹՅՈՒՆՅԱՆ

Հայկական ՍՍՌ Գերագույն սովետի  
նախագահության նախագահ

ԵՐԵՎԱՆ

Խորին շնորհակալություն եմ հայտնում նոր տարվա առթիվ Ձեր հղած շնորհավորանքների և բարեմաղթությունների համար:

Հայկական ՍՍՌ Մինիստրների սովետի և անձամբ իմ կողմից սրտանց շնորհավորում եմ Ձեր նոր տարին: Ցանկանում եմ Ձեզ քաջառողջություն և անսպառ կորով: Թո՛ղ նոր տարին ամբողջ աշխարհում լինի ամրակուռ խաղաղության տարի, մեր հայրենիքի բարգավաճման և առաջադիմության տարի:

Ա. ԶՈՉԻՆՅԱՆ

ԵՐԵՎԱՆ

Հայկական ՍՍՌ Մինիստրների սովետի նախագահ

Հաճեցեք ընդունել Խորհրդիս և անձամբ իմ շնորհավորանքները նոր տարվա առթիվ:

Ցանկանում ենք Ձեզ քաջառողջություն և հաջողություն: Թո՛ղ նոր տարին լինի մեր ժողովրդի և հողագնդի բոլոր ժողովուրդների համար խաղաղության և բարեկամության տարի:

Կ. ԴԱԼԼԱՋՅԱՆ

Հայկական ՍՍՌ Մինիստրների սովետին առընթեր  
Հայ Եկեղեցու գործերի խորհրդի նախագահ

ԵՐԵՎԱՆ

